



Australian Government

Department of Health

Novi alat koji će pomoći da se uspori širenje virusa COVID-19

Aplikacija COVIDSafe novi je alat, uz testiranje, dobru higijenu i održavanje razmaka, da pomogne u usporavanju širenja koronavirusa u Australiji.

Aplikacija COVIDSafe odnosi se isključivo na zdravlje. Australcima će to pomoći da se zaštite tako što će se ubrzati postupak obavještanje osoba koje su bile u kontaktu s nekim ko ima koronavirus. Zdravstveni službenici u svojim državama i teritorijama kontaktirat će vas ako ste bili izloženi i reći vam:

- na šta treba paziti
- trebate li ići u karantin
- kako, kada i gdje se možete testirati i
- kako zaštititi sebe i svoju porodicu.

Aplikacija je dobrovoljna i besplatna. COVIDSafe možete preuzeti iz svojih 'app store' aplikacija. Od vas će se tražiti da unesete ime, telefonski broj, poštanski broj i raspon godina. Te informacije se prenose u vrlo siguran sistem za pohranjivanje podataka i koriste se za generiranje referentnog koda.

Aplikacija radi u pozadini na vašem telefonu tokom dana. Koristi Bluetooth da bi pronašla druge korisnike aplikacija. Na siguran način bilježi referentne kodove korisnika aplikacija s kojim dođete u kontakt, zajedno s datumom, vremenom, udaljenostima i trajanjem kontakta.

Ne bilježi lokaciju.

Ti podaci o kontaktima su šifrirani i pohranjeni u aplikaciji na vašem telefonu. Čak im ni vi ne možete pristupiti.

Podaci o kontaktima pohranjuju se u aplikaciji samo 21 dan. Taj period omogućuje maksimalno 14-dnevni period inkubacije virusa i vrijeme koje je potrebno da se potvrdi pozitivan rezultat testa. Podaci stariji od 21 dan u aplikaciji automatski se brišu.

Ako vam je dijagnosticiran COVID-19, državni i teritorijalni zdravstveni službenici tražit će od vas podatke o svima s kojima ste nedavno bili u kontaktu. Možete im omogućiti pristup informacijama koje je uhvatila aplikacija o osobama s kojim ste bili u bliskom kontaktu - unutar 1.5 metar u periodu od 15 ili više minuta.

Za sada, pronalaženje osoba koje su možda bile izložene virusu oslanja se na to da se ljudi sjete s kim su bili i znaju kontakt podatke tih osoba. COVIDSafe čini ovaj postupak bržim i preciznijim.

Informacije u aplikaciji mogu koristiti samo državna i teritorijalna zdravstvena tijela i samo u svrhu informiranja osoba koje su bile u kontaktu s nekim ko ima koronavirus. Korištenje podataka aplikacija na bilo koji drugi način je krivično djelo.

Aplikaciju i podatke u njoj možete izbrisati s telefona u svako doba.

Kada pandemija završi u Australiji, korisnici će dobiti napomenu da izbrišu aplikaciju COVIDSafe sa svog telefona. Time će se izbrisati svi podaci s aplikacije na telefonu te osobe. Podaci u sistemu za pohranu podataka također će biti uništeni na kraju pandemije.

Upotreba aplikacije pomoći će vladama da brže uvedu smanjenje ograničenja nego što bi to inače bilo moguće.

Za više informacija o koronavirusu i aplikaciji COVIDSafe posjetite www.health.gov.au